



Kamis, 14 September 2023
Ogen: Perbahanen Rasul 16:14c



Tutus Megiken Kata Dibata



Tutus e me sada biak si iperluken kal i bas kegeluhen enda. E maka nina ende-enden si nai `adi erjabu tutus ate erjabu, adi sekolah tutus ate sekolah, adi erdahin tutus ate erdahin.' Kerina si ilakoken kita arus itutusi. Apai ka kerna dahin si nambahi pemeteh ras mpegegehi kiniteken. Lit pinakit si mekelek genduari enda e me enggo urak ketutusen kalak i bas ndahiken dahin-dahin. Apai ka mehi-megi, tempa enggo lanai ngasup kita megi-megi alu tutus.

Enda me si ituriken kerna Lidia, la saja kebayaken ras pendahinna tapi pe kerna ketutusenna. Sabap aminna pe ia kalak Yunani tapi enggo bengket ia ku sinagoge kalak Jahudi. Payo, enggo ndekah ia ersembah sue ras kiniteken Jahudi tapi langa bo melala pengangkanna kerna Taurat ras sidebanna. E maka iperdiateken dingin tutus atena megiken pengajaren Paulus. Labo saja kerna sura-surana tapi Dibata mbuka pusuhna. Seh maka tutus kal atena megiken si isehken Paulus paksa e. I bas kai si langa siangkana, nggit ia erlajr, i bas kurang pemetehna tutus ia megi-megi. Kininggiten si bage rupana me erbahanca tambah pengertinna, alu bage kedungenna ia la terjeng tutus megi-megi Kata Dibata tapi pe ia jadi kalak si mperdiateken pedah e ras ndalankenca i bas kegeluhenna.

Ulih megiken alu tutus erbuah mehuli i bas geluhna. Bage me kita si tutus ersembah man Dibata. Ketutusenta e rujung ku bas kegeluhen si malang man Tuhan. Kenca e geluhta jadi geluh si erbuah meramis ras inanami kalak sideban. La saja guna dirina tapi sekelewetta. Ernanam pe ku bas pendahin berita si meriah. Terpuji Dibata i bas kerina dampar kegeluhenta. Nterem Lidia i bas jaman si genduari, Lidia beru si lima.